

۹ جمادی الاول سنه ۱۳۳۹

پنجشنبه

۲۱ شباط سنه ۱۳۳۴

صاحب امتیاز و مدیر مسئول حسن کاظم

ملت عثمانیه - امت اسلامیہ ایچون مفید اولان آثار
صحیفه لر من آچیقدر درج ایدلمیان اوراق اعاده ایدلمز.

اداره خانه - استانبول باب عالی جوارنده
ابوالسعود جاده سی نومروه ۷ اصحاب مراجعاته
هر ساعت آچیقدر

جہانگیر

شمذیلک هفته ده بر نشر اولنور

سر محرری : مصطفی فوزی

تاریخ تاسیسی ۱۳۲۷ سنه هجری

سنه لك اعتباريله ممالك شاهانه ایچون پشین
اوله رق ۵۰ التی آیلنی ۳۰ غروش وممالك
اجنبیه ایچون ۲۰ فرانقدر .

نسخه سی ۵۰ پاره در

تصوفی ، دینی ، اخلاقی ، ادبی ، سیاسی جریده اسلامیہ در

نومروه ۱۳۴

« نفحات عشق »

هر کوهکدن قوپدی بیک فریاد و اوایلای عشق
عرض دیدار ایلینجه دلبر رعناى عشق
سغماشکن کائناته زبده معنای عشق
صافلادی برنای ایچنده آنی مولانای عشق
خلق حوادن غرض تعلیم درس عشق ایش
بوکه تفسیر ایتدی عشق آدم دانای عشق
برقع آجاردی آل آمازدی جناب یوسفه
اولماسیدی عشق ایله سکران اگر ذلای عشق
قاب قوسین ایچره انجوق عشق ایدی اصل المرام
بوکا شاهد « قندلی » ایله ما اوچای عشق
عالم افروز اولق ایچون نور وجه احمدی
وجه مطلقین نقابن اچدی اول حسناى عشق
یا محمد دور ایدر عشقکه افلاک وزمین
خاق اولندی عشقک ایله جته الماواى عشق
بر نیکاه التفات ایت مذنبان امته
سده پاککده ایکلر بر نیجه شیدای عشق
بسته قید جنون ایلر بتون اهل دلی
شاهزاد اولدقجه بویله طره لیلای عشق
لفظ « الااله » مرآة ایله یارب قلبی
اهل توحید یتر بر « لا » و بر « الا » ی عشق
شفقتیله باندیرر بیک خانهده شمع هدا
شدیله خانمانلر سوندیرر بغضای عشق
شیخ فانی کی بر روشنده پیر اولوب
بن دخی اولدم « فریدا » بلبل کوبای عشق
عزت و اقبال دنیا به تنزل ایلیم
النحاکا همد انجوق کعبه علیای عشق

کنفری بدایت محکمه سی رئیس خربوطی

احمد فرید

تبلیغ رسمی

خاقان سابق سلطان عبدالحمید خان ثانی - حضرتلرینک دونکی بازار
کونی ارتحالاری وقوعنه بناءً نعلش منقورت نقشلرینک داب دیرین
سلطنت سندن توفیقاً بوصحاح بکار بکی سرای هایونشدن صورت خصوصیهده

طوقبو سرای عالیسنه نقلیله تجهیز و تکفیلری اجرا و صلاة جنازه
ادا ایدلکدن سوکره اذان ساعت ۹ راده لرنده ترتیب اولنه حق آلاى
والا ایله قالدیریلهرق جد اجدلری سلطان محمود خان ثانی - حضرتلری
تربه شریفه سینه دقلری مقتضای اراده سینه جناب پادشاهیدن
بولونشد .
رسم مذکورده ولیعهد سلطنت و بالجله شهزادگان حضرتانی و ذات
سائی و کالتپناهی و خدیو و صر پاشا حضرتلری و شیخ الاسلام و وکلای
فخام و صدارت و مشیخت معزوللری و اعیان و مبعوثان رئیسلری
و سفرای اجنبیه و داماد حضرت شهریارى پاشا و بک افندیلر حضرتانی
و امرای عسکریه و مجلس اعیان و مبعوثان اعضاى گرامندن لازم کان
ذوات و اتحاد و ترقی جمعیتی مرکز عمومیهی اعضاى و رجال عامیه
و رؤسای روحانیه و دوائر مستشارلری شهرامینی و کبلی و استانبول
والی و کبلی و پولیس مدیر عمومیهی و داخل تشریفات اولان مأمورین
دوات و جمعیات مختلفه رؤسای و مؤسسات مالیه و نافعیه و تجاریه مدیرانی
بیوک اونفورمه اکتسامی و نشان عالیلر و قوردون تعلیقی ایله حاضر
بولنه جملدر .

جنازه مراسمی

سلطان عبدالحمید خان ثانی حضرتلرینک جنازه مراسمی فوق العاده
و معطن بر صورتده اجرا ایدلشد . جنازه صباحین ساعت دوت
بجوق راده لرنده بکار بکی سرای هایونشدن تخصیص قلنان استمبوطه ارکاب
ایدلش و سرای بروشه و بوراده خزینه هایون ارکان مأمورینی و سائر
بعض ذوات طرفلرندن استقبال اولتهرق طوقبو سرای هایونیه ایصال
ایدیلهرک خرقه سعادت دائره سنده حاجت بنجرده سی اوکنده سلطان
احمد کرسی شیمیخ ایتدی طرفندن غسل اولنش و مراسم تجهیزیه
و تکفیه سی اذان ساعت طقوز راده لرنده ختام بولنه حاضرین
طرفندن جنازه نمازی خرقه سعادت دائره فاخره سنده ادا ایدلش
و بوندن صکره جنازه آلاى آتیده کی صورتده ترتیب ایدلشد .
جنازه نك موضوع بولندی اوزره حرم شریف حضرت نبوی اورتیلری
و خاندان سلطنته مخصوص مزین طاشلی کمرله صاریلی اولدینی حلاله
نابوت حرم هایون اغواتی ، و زلفی تبردارانی و سائر بندگانک آبادی
احترامنده اولهرق طوقبو سرای هایونشدن چیقارلشد .

جنازه نك اوکنده سواری پولیس مأمورلری ، سواری عساکر
عثمانیه ، انضباط عسکری مأمورلری ، بحریه موسیقیه سی ، بحریه
محافظ طاووری ، پیاده کوچک ضابط ، صحرا طوبجی مکتبلری طلبه لرله
اطفائیة آلاى و حربیه موسیقیه سی بولنمده ایدی .
اوکده دارالسعادة الشریفه آغاسی بولندی حلاله حرم هایون

اغواتی وشاذلی درکاهی ومولویخانه مشایخ و دده کافی ومؤذنان حضرت شهرباری نشاید قرائت ایلمکده ایدیلر .

بعده تابوت امام اول وثانی حضرت شهرباری ، خزینه خاصه هایون مأموری ، اوکده البسه رسمیه سی لابس تشریفات مدیری مدوح بك یولندی حالد ولى عهد سلطنت دولتلو نجابتلو وحیدالهدین افندی حضرتلری ، شهزاده مجید افندی حضرتلری ومرحوم مشار الیهک مخدومی محمد سلیم افندی حضرتلری وبالعوم شهزاده کان ، مرحوم مشارالیهک دیگر مخدوملری حضرتانی داماد پاشا وبك افندیلر حضرتانی ، تشریفات مدیر معاوانی فواد بك اوکده اولهرق البسه رسمیه لری لابس خدیو مصر عباس حلمی پاشا حضرتلری صدراعظم پاشا حضرتلریك وکیل وحریه ناظرى انور پاشا ، شیخ الاسلام موسی کاظم افندی ، شیخ الاسلام سابق خیری افندی ، اعیان ، مبعوثان رئیسلى بك افندیلر حضرتانی ، مابین هایون ارکان مأمورینی بالعوم سفرای اجنبیه وسفارت آتشیه میلتلری ومرخص عسکرلری ، ارکان وامرای عسکریه ، اعیان ومبعوثان اعضالری ، رجال علمیه ، رؤسای روحانیه ، مؤسسات مالیه دیرکتورلری ، نظارت مستشارلری ، اتحاد وترقی مرکز عمومیهی اعضایی ، هلال احمر ، دونهای عثمانی ، مدافعه علیه هیئت مرخصه لری ، رؤسا ومأمورین ملکیه وذوات سائر طرفلرندن تعقیب اولمشدر . جنازه طوبقو سرای همایونشدن چیقار . یلوب باب همایوندن بالورور آیاصوفیه ، دیوان یولی طریقیله جتیمکان سلطان محمود خان حضرتلریك تربه شریفه لریته ایصال ایدلش وحفاظ طرفلرندن قرآن کریم قرائت ومرحوم مشارالیهک روحنه فاتحه لرحماتخاف اولندقدن صکره تربه شریفه دروننده تخصیص قلنسان مقبره مخصوصیه ودیعه خاک غفران الهمی قلنمشدر .

مراسم تدفینه دن صکره جنازه ده حاضر بولنانلر مرحوم مشارالیهک مخادیمنه بیان تعزیتله عودت ایلمشدر .

رحمة الله علیه رحمة واسعة

عرض تعزیت

وکلا حضرتانی ایله اعیان ومبعوثان رئیسلى وخدیو مصر حضرتلری سرای هایونه عزیمتله ذات حضرت پادشاهی به عرض تعزیت ایلمشدر .

راپور صورتی

خاقان سابقك خسته لغنه وارتمخالنه دائر رسماً تبلیغ ایدیلن راپورلرک صورتیدر :

۱۰ شباط سنه ۱۳۳۴ بازار کونی صبا حلین حربیه نظارت

جلیله سندن تلقی ایتدی کمز امر اوزرینه برمدتن بری خسته اولان خاقان سابق سلطان عبدالحمید ثانی حضرتلری معاینه و تداوی ایچون بکلربی سرائنه کلدک . اوراده طیب خصوصیهی دوقنور عاطف بك ایله بکلربی خسته خانه سی اطباسندن دوقنور آلکیویادیس و دوقنور نیقولاکى پارسکوایدیس افندیلر دن معلومات آتییهی آلدق : خاقان سابق حضرتلری (۵) شباطدن بری خسته اولوب نزله سی اولدیغی وصیق صیق معدنه سندن شکایت ایتمکده بولوندیغی و (۹) شباط جمعه ایرتسی اقشامی راحتسزانی کسب شدت ایتدیکندن کیچه زوالی ساعت سکر بچقده طیب خصوصیلری ططف بك کلنجهیه قدر بکلربی خسته خانه سندن اسماری بوجه بالا ذکر اولونان ایکی طیبك جلی اقضا ایتدیکی وبو ذوات خاقان سابق حضرتلری شدتلی عسرت تنفسدن مضطرب بولدقلری وعددتنفسك التمش بش اولدیغی ومعاینه ده هر ایکی رنده وبالحاصله صول رنده بك شدتلی احتقان بولوندیغی وقلبك بك ضعیف اولوب نبضك مشکلاتله حس ایدلمکده وعدد ضربانك یوز اوتوز اولدیغی وادرارك بك آز کلدیکی کوردکلری و برای تداوی قوری محجملر تطبیقی وداخلاً مقوی قلب ومددر اولهرق اسنارته بین وتیوبرومن ویردکلری وبونک اوزرینه خسته نك احوالنده برآز صلاح حاصل اولش ايسه ده انذار وخیم اولدیغی جهنله برمشاوره طیه اجراسنه لزوم حاصل اولدیغی بیان ایتلشدر .

زیرده واضع الامضا اطبا ساعت اونبرده کی معاینه مزده مشارالیه حضرتلریك شدتلی عسرت تنفسدن مضطرب اولوب نبضك دقیقه ده یوز یکریمی وضعیف اولدیغی وصول رنده قاعده سنده اصمیت وتنفسده خشونت ایله برابر بك چوق خراخر وقیه دونیه نك موجود بولندیغی وهرایکی رنده نك اقسام سائر سنده ناذروه لره قدر عینی خراخرک ایشیدلیدیکی وخاقان مشارالیه حضرتلریك مدم قشعات محاطیه افراز ایتمکده اولدیغی کوردک . اطراف صفومش اولوب مغیلرده درجه حرارتی اونوز الی بحق مشاهده ایتدک . مشارالیه حضرتلری اك زیاده ناحیه شرسوفیه ده کی صیقنیدن شکایت ایتمکده ایدی . درعقب ظهره محجم متبرع تطبیق ایدره رک برمقدار قان آلتش وداخلاً اولق اوزره دبغان وعلبنیدیت سود ایله قافه بین کلاجلری توصیه ایدلشدر . محجملرک تطبیقی متعاقب خاقان سابق حضرتلری اضطرابك برآر کسب سکونت ایتدیکی وبزلرک چکیله بیله جکیزی سولمشدر .

مشارالیه حضرتلریك صوک اون ایکی ساعت ظرفنده کی ادارلری بك آز اولوب بزه ارانه اولنان ادار یوز الی . سانیتمتره مکئی ایدی . بوادرده اثر حالنده البومین موجود وشکر مفقود اولوب کنسافتک یکریمی بش اولدیغی کورلشدر .

خاقان سابق حضرتلریك بالذات کنديسندن واطرافلرندن دون